

Utdrag frå årsmeldinga til Hjellvikvåg Idrettslag for 1970.

Året 1970 har vore eit av dei mest aktive sidan laget vart skipa, og medlemstalet ved utgangen av året var:

menn	kvinner	gutar	jenter	sum
17	3	19	8	47

Det har vore halde 5 styremøte, 1 medlemsmøte (årsmøte), og dessutan har det vore skipa til ein underhaldinskveld med kåseri av idrettskonsulent Seim, film og utlodning.

Interessa for trim og idrett har vore aukande, og i haust- og vintermånadene har det vore drive innandørstrim. Diverre har laget berre eit klasserom til rådvelde for slik trening.

Laget hadde i 1970 4 grupper: skeisegruppe, skigruppe, friidrettsgruppe og fotballgruppe.

Skeisegruppa som sjølv sagt arbeider under svært vanskelege tilhøve, har halde 1 renn (skeiseknapp-prøve). 19 stk. stilte til start, og 18 stk. klarte krava til merka. 4 bronse, 11 sølv og 3 gull.

Hjellvikvåg I.L. var dette året for første gong medlem i Hordaland Skikrins, og dette førde til sterk aktivitet i skigruppa. Styret i gruppa har hatt 8 møte og har elles arbeidd med planlegging av renn, instruksjon og løypelegging. Gruppa har skipa til 3 treningsrenn og 1 kombinert klubb- og merkerenn. I det siste starta 64 stk. Det vart teke 9 skimerke for vaksne, 5 bronse og 4 sølv. 14 stk. tok ungdomens skimerke, 3 bronse 9 sølv og 2 emalje.

I Osterøymeisterskapen i langrenn for gutar og jenter hadde laget med 14 deltakarar. Elles har laget hatt med løparar i 6 renn utanfor Osterøy. 36 stk har starta i desse renna, og det vart teke 15 premiar. I denne oversikta er teke med dei som starta i Bjørnar I.L. sitt langrenn 9 stk. I dette rennet vart det som kjent, ikkje delt ut premiar.

Friidrettsgruppa har og vore aktiv. Det har vore skipa til 2 trenings-terrengløp, 1 orienteringsløp og klubbmeisterskap i terrengløp. Gruppa har også fått i stand ein trimtur, "Tirevollsfjellet over". Elles har gruppa arbeidd med idrettsmerkeprøvar og har i alt hatt 6 slike prøvar. Diverre kom dette arbeidet altfor seint i gang, slik at berre 1 deltakar vart ferdig med alle øvingane og har teke idrettsmerke.

I Osterøymeisterskapen i terrengløp hadde laget med 10 deltakarar. Desse kom heim med 4 premiar.

Fotballgruppa har vel kanskje ikkje vore den minst aktive, sjølv om der ikkje er store resultat å visa til. Serleg er dei yngste svært ivrige. Men med ein skuleplass på (20 x 30)m til treningsplass er det vonlaust å få noko til på dette feltet. Aktiviteten her er difor heilt på det lokale plan.

For

Hjellvikvåg Idrettslag

Reidar Stall  
form.

Utskrift frå rekneskapen åt Hjellvikvåg Idrettslag for 1970.

Innkome:

Medlemskontingent 1970 . . . . .	kr.	172,-	
Gåve . . . . .	"	30,70	
Utlodning, brutto . . . . .	"	229,25	
Startpengar, klubbrenn . . . . .	"	224,-	
Selt premiar til 17-maikomiteen . . . . .	"	101,95	
Selt skeiseknappar . . . . .	"	67,-	
Selt skimerke . . . . .	"	81,-	
Selt handbøker . . . . .	"	7,-	
Tilskot frå kommunen for 1970 . . . . .	"	300,-	
Tilsaman: . . . . .	kr	1.212,90	
I kassa pr. 1/1 1970 . . . . .	"	651,-	kr. 1.863,90

Utgifter:

Bergen Hordaland Idrettskrets, konting. . . . .	kr.	40,-	
Utgifter vedk. skirenn utanbygds . . . . .	"	298,-	
Statens Filmsentral, filmleige . . . . .	"	22,40	
Kjøpt til utlodning . . . . .	"	42,65	
Betalt for vask og husleige . . . . .	"	40,-	
A/S Rakneshandel, premiar . . . . .	"	674,-	
Betalt for handbøker . . . . .	"	264,40	
Kjøpt skimerke . . . . .	"	66,40	
Hordaland skikrins, kontingent . . . . .	"	20,-	
Kjøpt skismurning . . . . .	"	22,-	
Kjøpt til utlodning, (ikkje avvikla) 70) . . . . .	"	50,-	
Fjellstad, 2 ringpermar . . . . .	"	11,60	
Telefon og porto . . . . .	"	52,40	
Tilsaman . . . . .	kr.	1.365,85	kr. 1.365,85
I kassa pr. 31/12 1970 . . . . .			kr. 498,05

Rekneskapen er revidert av Agnar Hjellvik.

FOR

Hjellvikvåg Idrettslag

Rudolf Stall

form.